



AUSTRHEIM KOMMUNE

Planstrategi 2020-2024



Austrheim
- opne landskap, ope sinn

Vedteken av
kommunestyret
12. november 2020



Innleiing

Austrheim kommune sitt kommunestyre vedtok i møte den 12.12.2019 oppstart av kommunal planstrategi. Austrheim kommune tok i mot innspel til arbeidet med planstrategien fram til 20. juli 2020. Kommunal planstrategi er eit verkty for politisk prioritering av planinnsatsen, for å sikre ei ressurseffektiv og målretta planlegging. Planstrategien skal vedtakast av kommunestyret seinast eit år etter at det nye kommunestyret er konstituert.

Planstrategien for kommunen skal gjelde for kommunestyreperioden. Prioriteringa skal basere seg på å bli samd om korleis kommunen skal møte eksisterande og framtidige utfordringar. Dette inneber ei tydeleg prioritering av planar som skal utgreiast og gjennomførast. Prioriteringane

må vere realistiske ut i frå dei føresetnader som gjeld for kommunen. Regjeringa legg kvart fjerde år fram nasjonale forventningar til regional og kommunal planlegging. Dei nasjonale forventningane skal følgjast opp i fylkeskommunen og kommunane sitt arbeid med planstrategi og planer, og vert lagt til grunn for statlege mynde si medverknad i planlegginga.

Regjeringa har bestemt at FN sine 17 berekraftsmål, som Norge har slutta seg til, skal vera det politiske hovudsporet for å ta tak i vår tid sine største utfordringar. Det er difor viktig at berekraftmåla blir ein del av grunnlaget for samfunns- og arealplanlegginga. Berekraftmåla vil vere ein del av kommunen sitt overordna styringsmål, og det må etablerast eit system som sikrar at berekraftmåla blir følgt opp i praksis. Gode planar på beredskapsfeltet er det og viktig å ivareta i planstrategien, beredskap handlar om å vera i forkant.

Mål og visjonar for Austrheim kommune

Eit av våre hovudmål er:
«Austrheim skal verta ein meir attraktiv stad å bu, etablera bedrifter og besøkje».

Verdiar, mål og prinsipp

Me skal ha innbyggjarrettleiing på kommunehuset.

Me skal digitalisera dialogen med innbyggjarane.

Me skal leggja stor vekt på næringsutvikling og berekraftige arbeidsplassar

Planlegging som verkty for heilskapleg og berekraftig utvikling

Kommunal planlegging er eit verkty for å få ein berekraftig, brukarorientert og god offentleg sektor og forvaltning. Kommunal planlegging er og eit verkty for å styrkje samfunnsutviklarrolla i kommunane. I 2015 vedtok FNs generalforsamling 2030-agendaen for berekraftig utvikling. Agendaen har 17 utviklingsmål for å fremja sosial, miljømessig og økonomisk berekraft. FNs berekraftmål er verden sin felles arbeidsplan, mellom anna for å sikre sosial rettferd, god helse og stanse tap av naturmangfald og klimaendringar. Måla skal visa veg mot ei berekraftig utvikling på kort og lang sikt. Kommunar har ein sentral rolle i å realisere berekraftmåla i Noreg. Dei er nærmast innbyggjarane, lokale bedrifter og

organisasjonar. Kommunane er ansvarlege for mykje av den sosiale og fysiske infrastrukturen som påverkar levekåra og utviklingsmoglegheitene til folk.

Rapporten Vestland – utfordringar for fylket og regionane peiker ut 10 hovudutfordringar for Vestland:

1. Klimaomstilling
2. Balansert areal- og naturressursbruk
3. Gode transportsamband og smart mobilitet
4. Grøn konkurransekraft
5. Digitalisering av samfunnet
6. Relevant kompetanse og kunnskap
7. Attraktive stader og gode nærmiljø
8. Eit fornyande, profesjonelt og frivillig kulturliv
9. Eit likeverdige samfunn
10. Ungdom – trivsel og tilhøyre

Dei fire målsettingane som er førande for fylket dei neste fire åra er:

Mål 1 Vestland som det leiande verdiskapingsfylket og nasjonal pådrivar for eit regionalisert og desentralisert Noreg.

Mål 2 Klima og miljø som premiss for samfunnsutvikling.

Mål 3 Lokalsamfunn som ramme for gode kvardagsliv i heile Vestland.

Mål 4 Like moglegheiter til å delta i verdiskaping.

Plansystem og planarbeid i Austrheim

I Austrheim kommune skal planar vere eit godt styringsverkty. Kva planer som blir prioritert vert vist i planstrategien. Planstrategien omtaler korleis plansystemet for kommunen skal vere bygd opp med definisjonar av plantypar, omtale av rutinar, organisering og medverknadsstrategi for planarbeid. Det er eit potensiale for å utvikle betre system, struktur og ein klar bruk av ulike planomgrep for planlegginga på tema- og sektornivå. Tenestoområde forvaltning og service skal ha ansvar for å samordna fag og temaplanar.

Definisjonar av plantypar

Kommuneplanen samfunnsdel

Kommuneplanen sin samfunnsdel skal ta stilling til langsiktige utfordringar, mål og strategiar for kommunesamfunnet som heilskap, og som organisasjon. Samfunnsdelen gjev føringar for underordna planar i alle sektorar i kommunen.

Kommuneplanen arealdel

Kommuneplanen sin arealdel omfattar heile kommunen. Den er juridisk bindande og styrer den langsiktige arealutviklinga. Arealdelen skal sikre at arealbruken i kommunen bidreg til å bygge opp under mål og strategiar i samfunnsdelen.

Kommuneplanen sitt handlingsplan

Kommuneplanen sin handlingsdel er plan for gjennomføring av kommuneplanen sin samfunnsdel, kommunedelplanar og eventuelt andre planer. Handlingsdelen skal vise kva kommunen vil prioritere dei fire neste budsjettåra for å nå kommuneplanen sine mål.

Økonomiplan

Økonomiplanen skal omfatta heile kommunen si verksemd og gje realistisk oversikt over sannsynlege inntekter, forventa utgifter og prioriterte oppgåver. Økonomiplanen skal omfatta minst ein 4-års periode, og vert revidert kvart år.

Årsbudsjettet

Årsbudsjett er ein bindande plan for kommunen sine midlar og bruk av desse i budsjettåret. Årsbudsjettet skal konkretisera økonomiplanen og gjeld heile kommunen. I Austrheim vil me samla kommuneplanen sin handlingsdel, 4-årig økonomiplan og årsbudsjett i eit dokument. Kommunelova forsterkar koplinga mellom kommuneplanen sin samfunnsdel og økonomiplan.

Handlingsprogram

Handlingsprogrammet viser korleis me skal følgje opp kommuneplanen. I tillegg inneheld

handlingsprogrammet eit plan- og utgreiingsprogram. Denne skal følgja opp planstrategien med endeleg prioritering av når planoppgåvene skal gjennomførast med tildeling av ressursar.

Kommunedelplanar

Kommunedelplanar (KDP) kan utarbeidast for bestemte områder (areal), tema eller verksemdsområde. Dei skal følgje opp utvalde mål i kommuneplanen sin samfunnsdel eller konkretisera arealbruken for eit avgrensa geografisk område. KDP har same juridiske status som kommuneplanen.

Reguleringsplan

Reguleringsplan er ein arealplan for eit avgrensa område. Planen består av eit arealkart med tilhøyrande føresegn som seier noko om bruk, vern og utforming av areal og fysiske omgjevnader. Reguleringsplan kan utformast som områderegulering eller detaljregulering:

-Områderegulering er ein kommunal reguleringsplan som kan brukast der det er krav om slik plan i kommuneplanen, eller kommunen finn at det er behov for å gje meir detaljerte områdevisse avklaringar av arealbruken. Områderegulering vert utarbeida av kommunen. Det er gjerne eit større planområde enn detaljreguleringar.

-Detaljregulering er ein detaljert reguleringsplan for eit avgrensa område, og er ofte knytt til konkrete utbyggingsprosjekt. Både kommunen og private kan utarbeida detaljregulering.

Verksemdplanar

Verksemdsplanar er eit arbeidsverktøy for avdelinga og tenesteområde. Dei er ein del av kommunen sitt styringssystem og skal med handlingsprogrammet forankra kommuneplanen sine strategiar og mål.

Oversikt over planar i Austrheim kommune

Oversikt over planstatus i 2016

NR	PLANNAMN	PLANTYPE	GJELD FRÅ	GJELD TIL	STATUS	ANSVAR:
1	Kommuneplanen sin arealdel	Arealplan	2007	2017	Rullering	Kommunestyret
2	Kommuneplanen sin samfunnsdel	Tema	2015	2027	Gjeld	Kommunestyret
3	Kommunedelplan Fønnes - Litlås	Arealplan	2010	2017	Gjeld	Kommunestyret
4	Kommune ROS	Tema	2010		Rullering	Kommunestyret
5	Landbruksplan	Tema	2009		Gjeld	Kommunestyret
6	Energi og klimaplan	Tema	2011	2015	Gjeld	Kommunestyret
7	Plan for fysisk aktivitet, idrett og friluftsliv	Tema	2012	2020	Gjeld	Kommunestyret
8	Kommunedelplan VA	Tema			Pågår	Kommunestyret
9	Kommunalteknisk VA norm	Tema	2015		Rullering	kommunestyret
10	Reguleringsplanar (mange) Planregisteret BraPlan	Arealplanar	Braplan		Gjeld	Kommunestyret
11	Kommunedelplan Trafikksikring	Tema	2009		Rullering	Kommunestyret
12	Barne- og ungdomsplan	Tema	1993		Gjeld	Kommunestyret
13	Beredskapsplan for Austrheim	Tema	2013		Gjeld	Kommunestyret
14	Helseberedskapsplan	Tema	2004		Gjeld	Kommunestyret
15	Sorg -krise og katastrofeplan	Tema			Gjeld	Kommunestyret
16	Smittevernplan	Tema	2003		Gjeld	Kommunestyret
17	Plan for pandemisk influensa	Tema	2006		Gjeld	Kommunestyret
18	Ruspolitisk handlingsplan	Tema	2006		Rullering	Kommunestyret
19	Pleie og Omsorgsplan	Tema			Gjeld	Kommunestyret
20	Eldremeldinga 2010	Tema	2010		Gjeld	Kommunestyret
21	Bustadsosial handlingsplan	Tema	2013	2020	Gjeld	Kommunestyret
22	Kulturplan for Austrheim	Tema			Gjeld	Kommunestyret
23	Utviklingsplan for Nordhordlandsbiblioteka	Tema	2006	2010	Gjeld	Kommunestyret
24	Kulturskuleplan	Tema			Gjeld	Kommunestyret
25	Den kulturelle skulesekken	Tema	2016	2018	Gjeld	Kommunestyret
26	Arkivplan for Austrheim	Tema	2014		Gjeld	

27	Strategisk Næringsplan for Lindås og Austrheim	Tema	2011	2020	Gjeld	Kommunestyret
28	Strategisk Næringsplan med fokus på reiseliv og havsport	Tema	2014	2025	Gjeld	Kommunestyret
29	Interkommunal plan for Fensfjorden	Arealplan	2013	2017	Gjeld	Kommunestyret
30	Geodataplan for Nordhordland og Gulen	Tema	2006	2009	Gjeld	Kommunestyret
31	Verksemdplanar, <i>Alle avdelingar</i>	Tema	Årlege		Gjeld	Rådmannen
32	Rapport "God - skal bli betre...!"	Rapport	2007		Gjeld	Kommunestyret
33	Rapport "Eldreomsorg"	Rapport			Gjeld	Kommunestyret
34	AHL "Austrheim heile livet"	Rapport			Gjeld	Kommunestyret
35	Vilt i Austrheim	Rapport	2003		Gjeld	Kommunestyret
36	Naturtypar i Austrheim	Rapport	2003		Gjeld	Kommunestyret
37	Kartlegging og verdsetting av friluftslivområde 2015-2016	Rapport	2016		Gjeld	Kommunestyret
38	Folkehelseoversikt for Austrheim	Rapport	2016	2018	Gjeld	Kommunestyret
39	Utviklingsmelding av 2013. (Realfag-satsing, PALS, La Linea)	Rapport	2013		Gjeld	Kommunestyret

Planar godkjente i Austrheim kommune i perioden 2016-2020

Kommuneplan – Arealdel

NR	PLANNAMN	PLANTYPE	GJELD FRÅ	GJELD TIL	STATUS	NY PLAN
1	Kommuneplanen sin arealdel	Arealplan	2019	2029		Godkjent 2019

Kommunedelplanar

NR	PLANNAMN	PLANTYPE	GJELD FRÅ	GJELD TIL	RULLERA	NY PLAN
1	Kommunedelplan for trafikksikring	Temaplan	2016	2023		Godkjent 2016
2	Kommunedelplan VA Hovudplan for vassforsyning og avlaup	Temaplan	2017	2027		Godkjent 2017

Kommunale reguleringsplanar og detaljreguleringar:

Detaljregulering for Næringsområde N40, N41, N42 (Kaland)	Detaljregulering. Under arbeid. (Truleg godkjent i 2020)
Detaljregulering omsorgsbustadar på Kaland.	Planendring (detaljregulering). Godkjent 2018
Detaljregulering G/S Kilstraumen-Mastrevik med Ulvøy friluftsområde.	Detaljregulering. Godkjent 2016 (stadfesta 2017)
Detaljregulering for skule- og barnehageområdet på Kaland.	Detaljregulering. Godkjent 2019
Planendring for Heiane Bustadfelt med utviding med område B09.	Planendring (detaljregulering). Under arbeid (truleg godkjent i 2020)
Detaljregulering for bustadområde B2 i «Reguleringsplan bustadområde Vardeflaten på Kaland.	Detaljregulering. Godkjent 2019
Fylkesveg 57 gang/sykkelveg - parsell Lindås kommunegrense til Mongstadkrysset.	Detaljregulering. Godkjent 2017.
Områdeplan for Nordre Fønnesvågen	Områderegulering. Godkjent 2015, (stadfesta 2016)

Oversikt kommunale temaplanar

NR	PLANNAMN	PLANTYPE		NY PLAN
1	KommuneROS	Tema		Godkjent 2017
2	Enøkplan	Tema		Godkjent 2018
3	Informasjons- og varslingsplan	Tema		Godkjent 2017
4	Overordna Beredskapsplan, Evakueringsplan og Atomberedskapsplan	Tema		Godkjent 2017
5	Smittevernplan	Tema		Godkjent 2020
6	Kulturminneplan	Tema		Under arbeid
7	Verksemdplanar Alle avdelingar	Fag	2020 Rullering	Kvart år
8	Landbruksplan for Austrheim	Tema	2017-2022	Godkjent 2017
9	Plan for Fysisk aktivitet, idrett og friluftsliv 2012-2020 (handlingsplan vert årleg rullert)	Tema	Rullert i 2019	Godkjent 2019
10	Alkoholpolitisk plan for Austrheim kommune	Tema	2020-2024	Under arbeid/høyring
11	VA-norm Austrheim kommune	Tema		Godkjent 2017
12	Smittevernplan	Tema		Godkjent 2020

I tillegg er det godkjent planar som er i interkommunal regi. Det er og godkjent private reguleringsplanar i perioden 2016-2020, men dei er ikkje med i denne oversikta.

Organisering av planarbeid

Planarbeid i Austrheim skal organiserast som prosjekt. Planarbeidet skal følgja ein tingingsrutine som viser kva plantype, styringsprosess og ansvarsliner som skal gjelde for planarbeidet. Det vert utarbeida ein kort prosjekttale der mandat, organisering og ressursbruk vert avklart. Det skal og avklarast korleis planane skal følgjast opp etter vedtak.

Medverknad

Samfunnsplanar betyr noko for innbyggjarane sine liv og kvardag. Det skal vere god dialog og medverknad, og opne avgjerdsprosessar, slik skapar me eit godt samfunn i Austrheim kommune. Strategi som skal leggjast til grunn for kommunen sitt planarbeid:

- Opne folkemøte der det er viktig for god medverknad, kvalitet og eigarskap til planarbeidet.
- Alle planer må gjerast tilgjengeleg så snart dei er vedteke.
- Det skal leggast til rette for tidleg involvering i kommunen sine planprosessar.
- God bruk av digitale verktøy i planlegginga.
- Born og unge sine interesser skal ha eit særleg fokus.
- God faktakunnskap om planarbeidet sin konsekvens på folkehelsa, klima og berekraft.

Kommuneplanen sin arealdel og samfunnsdel

Austrheim kommune vedtok kommuneplanen sin arealdel for 2019-2029 den 11. april i 2019. Kommuneplanen sin samfunnsdelen vart godkjent i 2015. Samfunnsdelen dekkjer godt kommunen sine utfordringar framover.

Kommuneplanarbeidet er ofte svært ressurskrevjande. Det er ingen god grunn til at Austrheim kommune skal rullera kommuneplanarbeidet i denne kommunestyreperioden.



Planarbeid framover

Austrheim sine utfordringar framover

I nasjonale forventningar til lokal og regional planlegging peikar Regjeringa på at me står ovanfor fire store utfordringar:

- Å skape eit berekraftig velferdssamfunn
- Å skape eit økologisk berekraftig samfunn
- Å skape eit sosialt berekraftig samfunn
- Å skape eit trygt samfunn for alle

Utviklingstrekk i Austrheim kommune den 01.04.2020 er at innbyggjartalet er stabilt. Folketalsveksten er stoppa. Talet på born går noko ned. Talet på eldre går opp. Som ein mindre kommune, både geografisk og i folketal, står kommunen ovanfor nye utfordringar, men og med stort handlingsrom og med eige hand på rattet. Ved bruk av kunnskapen me i dag, har kan me peika på nokre tema som vil vera med å danna grunnlag for prioritering av planoppgåver i Austrheim.

Det er særleg flyttemønstra som vil påverka befolkningsutviklinga i Austrheim kommune dei neste 20-30 åra. Flyttingar i Norge er forventa (Siste befolkningsframskrivingar SSB) å fortsetja i same mønster som dei har vore dei siste åra, med auka sentralisering, dette gjeld særleg dei unge vaksne. Dette får konsekvensar som vil påverka utviklinga i Austrheim kommune. Unge vaksne flyttar til meir sentrale strøk, medan dei eldre i større grad vert att i bygdene. Distrikta kan dermed forventa ei sterkare aldring enn landet elles, særleg sett opp mot Oslo-området.

Nærleik til Bergensregionen, men og ei positiv næringsutvikling framover i Mongstad-området kan føra til at Austrheim kommune vil oppleve tilflytting eller halda på folketalet sitt. Dette viser og befolkningsprognosane frå SSB og Hordaland fylkeskommune, som begge spår ei auke dei neste 20 åra. Dersom prognosane treff vil dette bety at dagens befolkning på 2.900 vil passera 3.000 i løpet av 2025, og nå 3.300 i løpet av 2040.

Samanlikna med mange andre distriktskommunar vil Austrheim kommune truleg

difor ha ein positivt befolkningsvekst. Bustadattraktiviteten kan og aukast på mange måtar med satsing på tettstadnære bustadfelt, fortetting i eksisterande bustadfelt og gode kommunale tenester. Eit godt barne- og ungdomsarbeid og eit allsidig fritid- og kulturtilbod gjer og sitt til at folk vil etablere seg her. God tilgang til båtplassar i småbåthamner for fastbuande kan og vera eit viktig grep. Arbeidsplassar nord i regionen tel uansett mest for at folk vil busetja seg i kommunen vår.

Folkehelsearbeid

Folkehelsearbeid er samfunnet si samla innsats for å oppretthalde, betre og fremje helse hjå innbyggerane. Det er viktig at Austrheim kommune i planlegginga motverkar og førebyggjer opphoping av levekårsutfordringar, og arbeider aktivt med tiltak for å styrkje tenester og setje i verk naudsynte tiltak. Gjennom planlegginga kan det leggjast gode rammer for ei betre folkehelse med meir aktivitet for alle grupper i befolkinga. Sosial ulikheit i helse er systematiske helseforskjellar som følgjer inntekt, yrke, utdanning og kjønn.

Me kan sjå på helse som eit endepunkt i ei lang kjede av årsaker. Grunnleggjande sosiale tilhøve som utdanning og økonomi vil saman med arbeids- og miljøtilhøve, levevanar og helsetenester påverka helse. Kommunen kan setje inn tiltak for å betra helse og utjamna helseforskjellar på alle ledd i årsakskjeda. Nykkelen til reduserte helseulikskaper ligg i den samla innsatsen, og ikkje i nokon få enkelttiltak. Her har Austrheim kommune ulike verkemiddel. Når Austrheim kommune lager planar eller godkjenner tiltak, bør ein reflektere over dette:

- Kan innsatsen eller tiltaket slå ulikt ut for ulike grupper?
- Sikrar kommunen aktivt gode vilkår for god psykisk og fysisk helse i planlegginga?
- Er det økonomiske, sosiale eller fysiske barrierer som gjer at ikkje alle kan gjere nytte av tiltaket eller tenesta?
- Krev tiltaket, arealet eller tenesta spesiell kunnskap eller ressursar som er ulikt fordelt hjå innbyggjarane?

Desse vurderingane må byggje på statistikk og analysar, men og god faktakunnskap om lokale tilhøve. Som eksempel kan ein leggja til grunn at born og unge som ikkje bur nær skulane i Austrheim, i stor grad vil vere avhengig av å bli køyrt med bil for å kunne delta på ulike sosiale arenaer. Men ikkje alle har bil sjølv, eller nokon som kan køyra dei. Lokalkunnskap, kunnskap om sosial ulikskap, men og deltaking i friviljug arbeid og kulturtilbod er viktig for folkehelsa. Dette må leggst til grunn for avgjerder og prioriteringar i Austrheim kommune og i planarbeidet.

Status er:

- Born som bur i hushaldningar med vedvarande låg inntekt har auka dei siste ti åra.
- Ein av fem ungdommar fullfører ikkje vidaregåande skule.
- Dei fleste familiane med born i kommunen bur i dei sentrale delane av kommunen.
- Mange over 70 år bur i dei meir usentrale delane av kommunen.

Tilflyttinga til Austrheim har vore sterkast i områda omkring kommunesenteret og sentralt i Kaland/Fonnes-området.

Næringsutvikling

Næringsstrukturen i Austrheim kommune er særmerka ved at andelen som jobbar innan industri er stor. For privat sektor har arbeidsplassutviklinga vore sterkast innan transport og lagring. Tapet av arbeidsplassar har vore størst innan handelsnæringa, samt fleire industrinæringar. Koronakrisa og oljepris vil prega samfunnet vårt ei tid framover lokalt, regionalt og nasjonalt. God dialog med næringslivet i planprosessar for å sikre miljøomsyn er viktig.

Infrastruktur og samferdsel

I områda med størst utbygging er det eit relativt stort behov for oppgradering av vatn- og avlaupsanlegg.

Skulane og barnehagane

Dei to skulane våre har på sikt fallande elevtal. Det er plan for å samla alle ungdomskuleelevane på ein skule. Skulane i Austrheim har låg måloppnåing i nasjonale prøvar, samanlikna med gjennomsnitt for

fylket og Noreg under eitt. Det er om lag like mange born per årsverk i barnehagane i Austrheim som i fylket og landet elles. Dei to barnehagane har mindre tal born no enn for ein del år tilbake. Begge barnehagane er i område som dei siste åra er vorte detaljregulerte. Det gjer at ein kan byggja nytt eller byggja på utan å søkja om dispensasjon frå plan. Det gjeld og skulane våre. Det er sett rekkefølgjekrav på infrastruktur på Kaland før me kan byggja ut skule- og barnehageområdet her.

Berekraftig utvikling som premiss

Austrheim kommune ynskjer ei utvikling som gjer at innbyggjarane sine moglegheiter også framtida skal vera å få dekkja sine sosiale, kulturelle, økonomiske og materielle behov. Det å vera ein kommune i vekst i ein attraktiv region, vil om det vert handtert på ein god måte, gje positive ringverknader. Ei utvikling med berekraft som eit prinsipp medfører at innsatsen må rettast mot fleire områder. Samfunnet legg til grunn at kjerna i berekraftig utvikling er å sjå økologisk, økonomisk og sosial berekraft i ein samanheng.

Unesco sitt Biosfæreområde i Nordhordland som Austrheim kommune er med i forpliktar og. Miljø og klima er difor viktige tema i planarbeidet vårt.

Sosial berekraft: Eit samfunn som gjer innbyggjarane lik tilgang til sysselsetting, kultur, gode bustader, godt bumiljø, utdanning, tryggleik og deltaking i lokalsamfunnet.

Økonomisk berekraft: Eit samfunn som skapar verdiar og utvikling i lokalsamfunnet som over tid opprettheld eit godt velferd- og tenestetilbod.

Miljømessig berekraft: Eit samfunn som tek overordna miljøomsyn, sikrar miljø- og naturressursar mot nedbygging og forureining og bidreg til å redusera og førebygga klimaendringar.

Vurdering av planbehov i Austrheim kommune og prioriterte planar i perioden 2020-2024:

Kommunedelplanar:	2020	2021	2022	2023
Kommunedelplan for pleie og omsorg			x	x
Kommunedelplan for oppvekst	x	x		
Kommunedelplan for fysisk aktivitet, idrett og friluftsliv		x	x	
Kommunedelplan for naturmangfald			x	x
Kommunedelplan for trafikksikring		x	x	
Kommunedelplan knytt til rus og psykiatri		x	x	
<u>Temaplanar:</u>				
Plan for friluftslivet sine ferdselsårer			x	x
Bustadsosialt handlingsprogram		x		
Skulebruksplan	x	x		
Folkehelseplan med folkehelseoversikt			x	x
Arkivplan	x	x	x	x
Klima- og energiplan		x		
Landbruks- og skogsforvaltingsplan		x		
KommuneROS reviderast		x		
Overordna Beredskapsplan	x	x	x	x
Kulturminneplan		x		
Alkoholpolitisk plan for Austrheim	x			
Diskriminering og likestilling		x		
Barne- og ungdomsplan		x		
<u>Detaljreguleringsplanar:</u>				
1. Bustadområdet B07 og skuleområdet ved Austrheim Vidaregåande skule		x	x	
2. Fylkesveg 565 gang/sykkelveg parsell Fønnes-Kilstraumen			x	x
3. Fylkesveg 565 gang/sykkelveg parsell Litleindås til Austrheim				x
4. Friområdet ved Fosnstraumen				x
<u>Områdereguleringsplanar:</u>				
1.Områdeplan omkring kommunesenteret		x	x	
2. Områdeplan for arealet B36 på Kaland/Fønnes og friområdet ved Ekornsåta			x	x

Regionale planprosesser i 2020-2024 som vil involvera Austrheim kommune:

Vassregion for Hordaland.	Arbeidet er starta opp med å oppdatera planen for perioden 2022 -2028. Vestland fylkeskommune styrer prosessen.
Strategi for biosfæreområde Nordhordland	Regionrådet styrer prosessen.
Interkommunal plan for sjøområda.	Det skal utarbeidast ein interkommunal plan for sjøområda i Nordhordland. Regionrådet styrer prosessen.
Områderegulering/reguleringsplan for Fosnstraumen.	Dette bør verta eit samarbeidsprosjekt med Alver kommune.



Planstrategi 2020 - 2024

Austrheim kommune

Kommunestyret den 12. november 2020